



SAVEZ KOŠARKE U KOLICIMA BOSNE I HERCEGOVINE

Štrosmayerova br.1 | 72000 Zenica | Mob:+38761/455-381
Web site: <http://www.kszenica.com/> | e-mail: mirsad.alagic9@hotmail.com

Zenica, 08.10.2018. godine
Broj protokola:01/18

klubovima SKKBIH

PROPOZICIJE TAKMIČENJA XXIV PRVENSTVA I XXIV KUP TAKMIČENJA SKKBIH U SEZONI 2018/2019

Zenica Okrobar 2018 godine

SADRŽAJ

I.	OPŠTE ODREDBE.....	3
II.	TEHNIČKI NORMATIVI.....	4
III.	EKIPE, TRENERI, SLUŽBENE OSOBE	5
IV.	KOMESARI UTAKMICA, SUDIJE, POMOĆNE SUDIJE	6
	Komesari.....	6
	Sudije	7
	Pomoćne sudije.....	8
V.	IZVJEŠTAJ KOMESARA UTAKMICE	8
VI.	DUŽNOSTI DOMAĆINA UTAKMICE	9
	Najava utakmice	9
	Smještaj gostujuće ekipe i službenih lica.....	10
	Redarska služba, bezbjednost učesnika, gledaoci	10
	Zdravstvena zaštita, sredstva javnog informisanja	10
	Državna obilježja	11
	Pomoćni uređaji	11
VII.	TOK UTAKMICE	11
VIII.	NACIN BODOVANJA I POSTUPAK PO ŽALBI	12
IX.	KAZNE NE ODREDBE	13
	Organizacija utakmice.....	13
	Nesportsko ponašanje gledalaca	14
	Nesportsko ponašanje igrača, trenera i službenih osoba	14
	Nesavjesno obavljanje dužnosti sudija, delegata	15
X.	FINANSIJSKE ODREDBE	16

**PROPOZICIJE TAKMIČENJA
PRVENSTVA SKKBIH
SEZONA 2018/2019**

I OPŠTE ODREDBE

Član 1.

Takmičenje klubova SKKBIH u sezoni 2018/2019 organizuje se dvokružno. Prvi dio igra se u jesenjem periodu a njegov početak je 24.10.2018. Drugi dio takmičenja počinje u proljeće a njegov početak odredit će Upravni Odbor SKKBIH.

Na osnovu plasmana u okviru navedenog takmičenja dobit će se prvak Bosne i Hercegovine koji obezbjeđuje učešće u euro – takmičenju.

Član 1.1.

KUP takmičenje SKKBIH u sezoni 2018/2019 organizuje se kao finalna serija utakmica između pobjednika Kup-a Federacije BiH i Kup-a Republike Srpske. FINALNA serija se odigrava na dvije dobijene utakmice. Domaćin KUP-a – se određuje žrijebanjem na slijedećoj sjednici UO SKK BIH prije početka proljetnog dijela takmičenja. KUP takmičenje SKKBIH održava se nakon odigravanja utakmica Prvenstva SKK BIH. Tačan datum početka serije će se odrediti na istoj sjednici UO SKKBIH.

Troškove službenih osoba se izdvaja jednim dijelom (ako je to dovoljno) iz registracije „ stranih igrača po klubovima “. (član 10)

Član 2.

Utakmice klubova SKKBIH igraju se prema odredbama Košarkaških pravila Međunarodne košarkaške federacije u kolicima IWBF, koja su prevedena od strane SKKBIH. Sve ostale izmjene pravila prati tehnička komisija IWBF-a a SKKBIH je zadužena da istu prati i primjenjuje.

Član 3.

Organizaciju takmičenja, poštivanje odredbi Košarkaških pravila i ovih Propozicija, te ostalih pravilnika, provodi Komesar takmičenja SKKBIH imenovan od strane UO SKKBIH.

Član 4.

Za takmičenje klubova na XXIII Prvenstvu SKKBIH i XXIII KUP takmičenju u sezoni 2017/2018 objavljuju se prilozi Propozicija koje sadrže:

- Način realizacije takmičenja
- Popise članova lige sa izvučenim rednim brojevima na U.O. SKKBIH
- Raspored takmičenja
- Kalendar takmičenja
- Takse sudija, pomoćnih sudija

Član 5.

Utakmice takmičenja klubova na XXIV Prvenstvu SKKBIH u sezoni 2017/2018 godine, igraju se prema utvrđenom rasporedu i kalendaru takmičenja po;ev od 24.10.2018, godine.

Utakmice takmičenja klubova na XXIV Prvenstvu SKKBIH u sezoni 2018/2019 godine, s tim VIKENDOM (subota ili NEDJELJA), te radnim danom srijeda ili petak, što utakmica ne može početi:

- Prije 12 sati a niti poslije 18 sati subotom i radni dan
- Prije 12 sati a niti poslije 16 sati nedeljom
- Utakmica se može odigrati i van ovog ograničenja radni dan (SRIJEDA ILI PETAK) uz saglasnost obje ekipe, a o svemu pismeno obavijeste komesara lige, koji donosi odluku o promjeni naznačenih termina

Mjesto dan i sat odigravanja utakmice klub domaćin dužan je pismeno prijaviti Komesaru takmičenja 3 dana prije odigravanja utakmice,

Klub koji je prijavio utakmicu u određenom roku, a kasnije iz objektivnih razloga (zuzetost dvorane) mijenja satnicu ili dvoranu, može to učiniti najkasnije 2 dana prije prvobitno zakazanog termina, s tim da snosi sve administrativne troškove učinjene ovakvom promjenom.

Komesar takmičenja SKKBiH može, ukoliko smatra da je u interesu regularnosti takmičenja, odlučiti da se sve ili pojedine utakmice jednog kola OBAVEZNO igraju istog dana s početkom u isto vrijeme.

Član 6.

Ukoliko se utakmica ne može odigrati u predviđeno vrijeme zbog jednog od opravdanih razloga:

- Isključenje električne energije,
 - Isključenje ili zastoj u javnom prometu,
 - Vremenske nepogode,
 - Nedolazak sudija,
- utakmica se mora odigrati u sljedeća 24 sata.

Ukoliko se utakmica ne može radi opravdanih razloga održati u roku od 24 sata od predviđenog termina početka utakmice, utakmica će se odgoditi.

Odluku o novom terminu utakmice donosi Komesar takmičenja SKKBiH.

Klub domaćin snosi sve troškove gostujućoj ekipi za ponovni dolazak na utakmicu.

Ukoliko se utakmica ne odigra zbog opravdanog nedolaska gostujuće ekipe, troškove organizacije utakmice te dolaska sudija i komesara snosiće gostujuća ekipa.

Klubovi u pravilu ne mogu tražiti odlaganje utakmice osim u vanrednim okolnostima:

- Zvanično proglašena epidemija od nadležnih zdravstvenih ustanova BiH
- Loša bezbjedonosna situacija u dijelu ili na cijelom prostoru BiH,
- Izuzetno pogoršane atmosferske (vremenske) prilike (snijeg, poplave, požari, i sl.) koje uzrokuju prekide saobraćaja.

Konačnu odluku o odlaganju utakmice ili kompletnog kola donosi Komesar takmičenja.

Prekinuta utakmica zbog opravdanog razloga ili usljed više sile nastavlja se tako što se u momentu prekida utakmice uzimaju u obzir vrijeme i rezultat.

Klub domaćin dužan je gostujućoj ekipi nadoknaditi troškove produženog boravka.

II TEHNIČKI NORMATIVI

Član 7.

Utakmice takmičenja klubova na XXIV Prvenstvu i XXIV KUP takmičenju SKKBiH 2018/2019 godine igraju se u dvoranama koje zadovoljavaju uvjetima propisanim košarkaškim Pravilima (Košarkaško igralište, prostor oko klupe, ploče, koševi, tehnička oprema)

Svaka dvorana mora imati službeni ulaz koji omogućava nesmetani ulaz ekipama i svim službenim osobama od svlačionica do terena za igru.

Klupa za igrače gostujuće ekipe kao i zapisnički sto moraju biti zaštićeni od svakog kontakta sa gledalištem

Dimenzije košarkaškog igrališta moraju biti 28mx15m.

Igralište (prostor za igru) mora biti ograđen, odnosno pregradom odvojeno od gledališta.

Pregrada mora biti visoka 60cm do 80cm, udaljena najmanje 2m od granične linije igrališta te mora sprečavati ulazak gledalaca u igralište.

Utakmice se mogu igrati svim loptama koje imaju zlatni žig FIBA-e

Domaćin susreta je dužan 30 minuta prije početka utakmice staviti na raspolaganje gostujućoj ekipi 4 ispravne lopte, a prvom sudiji utakmice loptu kojom će se igrati.

Sve table moraju biti od vrste materijala koje je odobrio IWBF.

Table moraju biti prozirne, u jednom komadu i od sigurnosnog stakla.

Donji rub mora biti 290cm od poda

Tehničke karakteristike i označavanje ploče mora biti po pravilima IWBF-a

Crte na tabli moraju biti bijele boje.

U dvorani moraju biti najmanje dvije rezervne table, za slučaj loma, a na jednoj od njih mora biti pravilno montiran obruč.

Obruč mora biti crvene boje.

Dvorana mora imati dva obruča u slučaju loma.

Mrežice moraju biti bijele boje i proizvedene na način da na trenutak zadrže loptu koja prolazi kroz koš.

Mrežice moraju biti dugačke najmanje 40 a najviše 45cm.

U dvorani moraju biti najmanje dvije mrežice.

Dvorana mora imati najmanje jedan veliki semafor sa lako uočljivim satom s padajućim brojevima, vrlo glasnim signalom za kraj četvrtina i produžetaka.

Dvorana mora imati dva automatska uređaja za primjenu pravila napada od 24 sekunde.

Uređaj za 24 sekunde mora biti neovisan od glavnog sata za igru, a kada se uređaj oglasi glavni sat se ne zaustavlja.

Igralište mora biti osvijetljeno s najmanje 1000 luksa a 1500 ako utakmicu prenosi TV.

Temperatura igrališta ne smije biti ispod 16 stepeni celzijusovih i mora biti jednolična. Ukoliko je temperatura niža, utakmica se može odigrati samo uz saglasnost gostujuće ekipe.

Dvorana mora imati po jednu svlačionicu za svaku ekipu i za sudije, koje moraju biti zaključane i čuvane od strane domaćina utakmice.

Dvorana mora imati najmanje 800 sjedećih mjesta. Sva mjesta u dvorani moraju biti numerisana.

DOMAĆIN JE DUŽAN OBEZBJEDITI SNIMANJE UTAKMICE I TO :

- KAMEROM KOJA OBEZBJEĐUJE KVALITET SNIMKA I ZVUKA
- U PREDVIĐENOM ROKU PODIGNUTI NA STRANICU SAVEZA PREMA UPUTAMA
- ROK ZA POSTAVLJANJE SNIMKA JE 72 SATA

Član 8.

Gostujuća ekipa dužna je poštovati boju dresova domaće ekipe, a shodno košarkaškim Pravilima.

Dresovi su obilježeni prema odredbama košarkaških Pravila.

Član 9.

Ukoliko se na igralištu nalazi razglasni uređaj osoba koja govori na mikrofONU nalazi se za posebnim stolom pokraj zapisničkog stola.

Razglasni uređaj služi samo za davanje obavještenja o utakmici. Nije dopušteno korištenje mikrofona za poticanje navijača, komentarisanje, suđenje i slično.

III EKIPE, TRENERI I SLUŽBENE OSOBE

Član 10.

Na utakmicama takmičenja klubova na XXIV Prvenstvu i XXIV KUP takmičenju SKKBiH u sezoni 2018/2019 godine, mogu nastupiti igrači i igračice koje imaju takmičarsku knjižicu izdatu od strane SKKBiH, pod uslovom da nisu pod suspenzijom ili kaznom, te klasifikacioni karton koji je izdao službeni klasifikator SKKBiH a nije stariji od dvije godine.

Predviđena je izrada novih licenci za Sezonu 2018/19 SKK BIH prema utvrđenom dogovoru, te se Komesar takmičenja obavezuje da će licenciranje, te izradu licenci napraviti do zadnjeg dana prelaznog roka 17.10. 2018 godine, te ih dostaviti klubovima. Na posebnom obrascu (2 primjerka) će biti urađen spisak igrača za utakmicu sa istaknutim bodovima, te će taj dokument biti validan kao prijava igrača SKK BIH za tekuća takmičenja – Sezona 2018/19 i KUP SKKBIH FINALNA SERIJA.

Svaka ekipa sastoji se od najviše 12 prijavljenih igrača, odnosno igračica, te 7 predstavnika kluba. Ukupan broj prijave jednog kluba za predstojeću Sezonu 2018/19 je zaključno sa brojem 18. Ovo se ne odnosi na igrače do starosne godine ograničenja 21g, koji se registruju po prvi put u okviru Prvenstva i KUP-a SKKBIH.

Ovo ograničenje ne važi za igrače strance koji su mlađi (21) a registruju se prvi put u okviru Prvenstva i KUP-a SKKBIH. Dozvoljeni Bonus u igri je 14,5 s tim da imamo uvršteno i igrača do 21g :

Ako je u igri igrač mlađi od 21 godina bonus je $14,5 + 1 = 15,5$

Ako je u igri igračica mlađa od 21 godina bonus je $14,5 + 2 = 16,5$

Ako je u igri igračica starija od 21 godina bonus je $14,5 + 1,5 = 16$

Maksimalan broj ne smije biti veći od 17 bez obzira na broj igrača ili igračica u petorci.

Na utakmicama takmičenja klubova na XXIV Prvenstvu i XXIV KUP takmičenju SKKBiH u sezoni 2018/2019 godine, mogu nastupiti i "strani" igrači (igrači koji u trenutku podnošenja zahtjeva za licenciranje nemaju "košarkašku nacionalnost" BiH). Svaka ekipa moći će za utakmicu prijaviti maksimalno 2 (dva) "strana igrača" koja imaju košarkašku nacionalnost jedne zemlje EU ili EEA ili neke zemlje izvan Stalne Evropske konferencije, te «košarkašku nacionalnost» Hrvatske, Crne Gore ili Srbije koji ulaze u kvotu. Svaku registraciju igrača potrebno je platiti i to :

- PRVI I DRUGI STRNI IGRAČ – PO 200 KM
- TREĆI igrač 400 KM
- ČETVRTI igrač 600 KM

Igrač koji se prijavljuje po prvi put kao stranac bez prijašnjeg učešća u takmičenju u okviru košarke u kolicima(kao igrač koji prvi puta igra košarku) klub je dužan platiti taksu od 50 KM.

Maksimalan broj prijavljenih igrača u jednoj Sezoni je 18 (osamnaest), što uključuje sve prijave igrača od početka sezone.

Trener ili službeni predstavnik ekipe dužan je 40 minuta prije početka utakmice predati komesaru utakmice listu igrača i službenih osoba (propisani obrazac), Spisak igrača ovjeren od strane SKKBIH - licence igrača, klasifikacione kartone igrača, trenerske kartone za trenera, za pomoćnika trenera, ljekara, fizioterapeuta i službenog predstavnika kluba.

Ukoliko na utakmici nastupi igrač koji nije uredno registrovan, klub gubi utakmicu službenim rezultatom i bit će kažnjen u skladu sa Propozicijama.

Član 11.

Pored klasifikacionog kartona te ocjene klasifikatora SKKBiH, opći ljebarski pregled igrača je obavezan prije početka svake Sezone i vrijedi za tu Sezonu 2018/19.

Član 12.

Na klupi za rezervne igrače mogu sjediti osobe koje su navedene u "Listi igrača i službenih osoba" (rezervni igrači, treneri, pomoćni trener, ljekar, fizioterapeut i službeni predstavnik kluba). UKUPAN BROJ OSOBA KAO DODATNIH ČLANOVA TIMA JE 7.

Član 13.

Službeni predstavnik domaćina, u ime kluba domaćina, odgovoran je komesaru utakmice za organizaciju utakmice.

Član 14.

Igračima, trenerima, pomoćnim trenerima i predstavnicima klubova zabranjuje se davanje izjava, koje izlaze iz okvira sportskog ponašanja, o radu službenih lica.(IX KAZNENE ODREDBE)

IV KOMESARI UTAKMICA, SUDIJE I POMOĆNE SUDIJE

KOMESARI UTAKMICE

Član 15.

Funkciju Komesara na utakmicama takmičenja klubova na XXIV Prvenstvu i XXIV KUP takmičenju SKKBiH u sezoni 2018/2019 godine obavljaju stručne osobe koje se nalaze na listi Komesara.

Nominaciju Komesara na utakmicama obavlja Komesar lige SKKBiH.

Član 16.

Komesar utakmice kontroliše Kartone pomoćnih sudija, igrača, službenog predstavnika kluba, trenera, pomoćnika trenera, ljekara i fizioterapeuta.

Komesar utakmice je dužan pratiti zbivanja u gledalištu i igralištu i, u slučaju ako je to potrebno, izvještavati sudije kako bi oni mogli pravovremeno poduzeti odgovarajuće mjere.

Komesar utakmice je odgovoran za rad pomoćnih sudija za zapisničkim stolom.

Član 17.

Komesar utakmice pomaže zapisničaru prilikom ulaska i izlaska igrača u igru vodeći računa da ekipa u igri ne pređe Bonus od 14,5 igrača u igri (uloga scorer-a).

Komesar treba obratiti pažnju i pomoći zapisničaru prilikom primjene Pravila Tap-off (alternativni posjed lopte).

Član 18.

Disciplinsku odgovornost Komesara utakmice konstatuje i rješava Komesar lige SKKBiH

Član 19.

Komesarima utakmice se zabranjuje komentarisanje za javnost svih momenata u vezi sa odigranom utakmicom.

Komesar utakmice ili Prvi sudija - dužan je da poslije utakmice obavi zajednički razgovor sa sudijama, proces edukacije koji će se odnositi na detalje utakmice (dobre i manje dobre). Komesare ili Prve sudije će naknadno odrediti SK. Na svakoj utakmici će biti prisutno jedno lice od spomenutih.

SUDIJE

Član 20.

Utakmice takmičenja klubova na XXIV Prvenstvu i XXIV KUP takmičenju SKKBiH u sezoni 2018/2019 godine sude sudije sa "Liste sudija". Sudije za listu odredila je Sudijska komisija SKKBiH.

Nominaciju sudija vrši Komesar lige SKKBiH.

Utakmicu sude DVOJICA ILI TROJICA sudija.

Komesar SKKBIH ima dužnost da ocijeni važnost utakmice te da na istu delegira trojicu KVALITETNIH sudija. UTAKMICE FINALA KUP-a BIH SUDE NAJBOLJE SUDIJE KOJE POSJEDUJU MEĐUNARODNO ISKUSTVO, ILI ONI KOJI SU KANDIDATI ZA IWBF.

Klubovi ne mogu tražiti izuzeće sudija s utvđene liste.

Član 21.

Ukoliko jedan dva ili sva trojica sudija ne dođu na utakmicu, komesar utakmice određuje zamjenu među prisutnim sudijama sa liste sudija.

Ukoliko ne postoji uvjet za ispunjenje prethodnog stava, komesar utakmice će odložiti utakmicu o čemu je isti dužan, odmah obavijestiti Komesara lige SKKBiH.

Odluku o novom terminu odigravanja utakmice donijet će Komesar lige SKKBiH.

Član 22.

Sudije su potpuno samostalni u donošenju odluka.

Prvi sudija smatra se odgovornim u djelokrugu ovlaštenja propisanih košarkaškim Pravilima.

Član 23.

Prvi sudija odlučuje o prekidu utakmice i djelimičnom ili potpunom pražnjenju dvorane u slučaju da gledaoci nesportskim navijanjem, uvredljivim i vulgarnim dobacivanjem vrijeđaju jednu od ekipa, sudije ili službene osobe.

Odluku o nastavku utakmice u djelimično ili potpuno ispražnjenj dvorani ili definitivnom prekidu utakmice, također donosi prvi sudija utakmice.

Član 24.

Sudijama se zabranjuje komentarisanje, za javnost, svih momenata u vezi sa odigranom utakmicom.

Nakon utakmice sudije i pomoćne sudije mogu napustiti dvoranu tek po odobrenju komesara utakmice.

Član 25.

Disciplinsku odgovornost sudija koji ne poštivaju odredbe košarkaških Pravila i svoju dužnost ne obavljaju u skladu s ovim Propozicijama, konstatuje i rješava Komesar lige SKKBiH. U slučajevima vezanim za povrede ovih Propozicija i povredu košarkaških Pravila, kaznu izriče komesar lige SKKBiH.

Član 26.

Sudije su dužne da dodju u mjesto odigravanja utakmice 1 i 15 h prije početka, te da se budu prisutne 1h prije početka utakmice u dvorani. Dress code sudija ne zahtjeva nošenje odjela i kravate, ali zahtjeva prikladno obučene sudije i to :

- Hlače ili farmereke nikako TRENERKA ILI ŠORC
- Košulja ili polo majica, adekvatna jakna NIKAKO TRENERKA ILI SPORTSKA MAJICA
- Cipele ili patike NIKAKO PAPUČE ILI JAPANKE

Član 27.

Sudije su OBAVEZNE da nose opremu za sudjenje (sudijski dres i jakna) na utakmicama Prvenstva SKKBIH koja je sponzorirana i dostavljena u prethodnoj Sezoni 2017/18 a marke No1 sa istaknutim sponzorima.

Sudije su OBAVEZNE da sude utakmice u Pravilima propisanoj opremi za sudjenje :

- Sudijske hlače, patike i čarape crne boje.
- Dres i jakna za sudjenje opisana prethodno

Nošenje druge opreme povlači za sebe mjeru kazne (obilježja koja nisu iz gore navedenog i opisanog).

POMOĆNE SUDIJE

Član 28.

Pomoćne sudije delegira nadležna sudijska organizacija, ili u mjestima gdje ona ne postoji, obučeni pomoćni suci po nalogu domaćina susreta.

Pomoćne sudije na utakmicama moraju biti obučeni u majice iste boje.

Pomoćne sudije su dužne da u dvorani za odigravanje utakmice budu najkasnije 45 minuta prije početka utakmice i da se jave delegatu utakmice.

Član 29.

Pomoćne sudije koji ne poštivaju odredbe košarkaških Pravila i svoju dužnost ne obavljaju u skladu s ovim Propozicijama, a time utiče na regularnost utakmice, mogu smijeniti same Sudije. Zamjenu pomoćnih sudija mogu učiniti i na prijedlog Komesara utakmice.

U tom slučaju napraviti će se stanka radi smjenjivanja pomoćnog sudije.

Komesar utakmice određuje zamjenu među prisutnim pomoćnim sudijama.

Član 30.

Ukoliko se, u mjestu odigravanja utakmice, ustanovi da nema dovoljan broj osposobljenih pomoćnih sudija ili se utvrdi da ne rade u skladu sa Pravilima igre i ovih Propozicija, delegiranje pomoćnih sudija obavlja tehnička komisija iz drugog grada.

Član 31.

Disciplinsku odgovornost pomoćnih sudija koji ne poštivaju odredbe košarkaških Pravila i svoju dužnost ne obavljaju u skladu sa ovim Propozicijama, konstatuje i rješava Komesar lige SKKBiH.

V IZVJEŠTAJ KOMESARA UTAKMICE

Član 32.

Nakon utakmice komesar sastavlja Izvještaj komesara o odigranoj utakmici. Izvještaj komesara utakmice sastavlja se, na propisanom obrascu, u tri primjerka. Jedan primjerak se dostavlja Komesaru lige SKKBiH, a po jedan se uručuje predstavnicima klubova.

Član 33.

Komesar utakmice je dužan sastaviti izvještaj POSLATI GA MAILOM NAKON ODIGRANE UTAKMICE U ROKU 24 h na mail zenga84@gmail.com, uslikati ZAPISNIK i poslati ga nakon utakmice na broj telefona 063304166 viber ili what upp. Ukoliko bi službeni predstavnik kluba ometao rad komesara utakmice prilikom sastavljanja izvještaja, komesar utakmice ima pravo udaljiti ga iz prostorije u kojoj se sastavlja izvještaj.

Član 34.

Dopunski izvještaj komesara utakmice dostavlja se na zahtjev Komesara lige SKKBiH ili po vlastitoj odluci komesara utakmice. Dopunski izvještaj komesara utakmice sastavlja se u jednom prijerku i dostavlja Komesaru lige SKKBiH

Član 33.

Komesar utakmice u svom izvještaju, unosi sva zapažanja koja su vezana za utakmicu i daje ocjenu o organizaciji utakmice. Komesar utakmice je obavezan napisati svoje mišljenje o svim spornim činjenicama i inzistirati da to učine i sudije, ali samo o onima koje se odnose na suđenje. Komesar utakmice u svom izvještaju mora komentarisati svaku primjedbu iz rubrike "primjedba predstavnika domaće ekipe" i "primjedba predstavnika gostujuće ekipe". Na zahtjev komesara utakmice, sudija je dužan iznijeti činjenice ukoliko su one sporne.

Član 35.

Sudija koji je donio odluku o isključenju igrača, trenera ili službenih osoba, dužan je obavijestiti komesara utakmice o razlogu isključenja i da li podnosi prijavu. Sudije su dužni, u Izvještaju komesara, opisati sve sporne trenutke na utakmici i navesti razloge za dosuđene isključujuće greške kao i druge značajnije odluke koje nisu vezane za sam tok igre (smjenjivanje pomoćnog sudije ili potpuno pražnjenje dvorane i sl.)

Član 36.

U izvještaju komesara utakmice se napomene da će biti podnesena prijava protiv izvršioca disciplinskog prekršaja kao i kratak opis događaja. Komesar utakmice saslušava izvršioca prekršaja. Zapisnik sa saslušanja obavezno potpisuje izvršilac prekršaja. Komesar, sudije i pomoćne sudije ne smiju o navodima u Izvještaju komesara utakmice obavještavati javnost.

VI DUŽNOST DOMAĆINA UTAKMICE

NAJAVA UTAKMICE

Član 37.

Domaćin utakmice pismeno obavještava nadležnu sudijsku organizaciju (koja određuje pomoćne sudije) ili klub lično pomoćne sudije ako ne postoji sudijska organizacija, o vremenu i mjestu odigravanja utakmice.

Mjesto, dan i sat odigravanja utakmice klub domaćin dužan je pismeno prijaviti 5 dana prije odigravanja utakmice Komesaru lige SKKBiH.

Domaćin je dužan prijaviti mjesto, dan i vrijeme odigravanja utakmice nadležnoj stanici javne bezbjednosti 48 sati prije njezina održavanja, odnosno u vremenu u kojem to zahtijeva nadležna stanica JB.

SMJEŠTAJ GOSTUJUĆE EKIPE I SLUŽBENIH LICA

Član 38.

Domaćin je dužan, na zahtjev gostujuće ekipe, osigurati smještaj ukoliko to oni zatraže 4 dana ranije.

Domaćin je dužan, na zahtjev gostujuće ekipe, osigurati termin za trening u dvorani u kojoj se igra utakmica, ukoliko to oni zatraže 4 dana ranije.

Domaćin je dužan osigurati smještaj i prehranu sudijama i komesaru utakmice ukoliko to oni zatraže 4 dana ranije.

Domaćin je dužan osigurati predstavnika koji stoji na raspolaganju gostujućoj ekipi, ukoliko ova to zatraži.

REDARSKA SLUŽBA, BEZBJEDNOST UČESNIKA, GLEDAOCI

Član 39.

Domaćin je dužan na svakoj utakmici organizovati odgovarajuću redarsku službu.

Domaćin je dužan osigurati osobe i pribor za sušenje mokrog dijela igrališta.

Član 40.

Dužnost domaćina je da poduzme sve potrebne mjere koje osiguravaju normalni tok odvijanja utakmice.

Domaćin snosi punu odgovornost za sve prekršaje i incidente koji se dogode na samoj utakmici ili neposredno u vezi s njom.

Nije dozvoljeno nesportsko navijanje gledalaca i navijanje koje onemogućava normalni tok utakmice (buka orkestra, zvučna pojačala, eksplozivna sredstva I sl.)

Domaćin ne smije dozvoliti posjetiocima da na bilo koji način povrijede prostor za igru unutar ograde. (nije dozvoljeno mahanje zastavama preko ograde ili iza tabli, pomicanje konstrukcije i sl.)

U slučaju nereda na terenu ili dvorani, domaćin mora poduzeti sve mjere i potpuno zaštititi sve članove obje ekipe, sudije i komesara.

Dužnost domaćina je da osigura njihov nesmetan odlazak u svlačionicu, a članovima gostujuće ekipe, sudijama i komesaru utakmice odlazak iz grada.

Svaki pokušaj napada na obje ekipe i službena lica bit će kažnjen.

Član 41.

Za svaki prekršaj koji učini klub domaćin, Komesar lige SKKBiH izreći će kaznu u skladu s kriterijima za izricanje kazni prema ovim Propozicijama.

ZDRAVSTVENA ZAŠTITA, SREDSTVA JAVNOG INFORMISANJA

Član 42

Domaćin osigurava zdravstvenu zaštitu – dežurnog ljekara, koji raspolaže materijalom za ukazivanje prve pomoći.

Član 43.

Domaćin utakmice dužan je osigurati odgovarajući prostor za sredstva javnog informisanja.

Član 43.A

Javno komentarisanje i davanje iskaza oko suđenja utakmica na KAZNIT ĆE SE PREMA ODREDBAMA IX I ČLANU 59.

DRŽAVNA OBILJEŽJA

Član 44.

Domaćin je dužan, na svakoj utakmici, na vidnom mjestu postaviti državnu zastavu BiH.

Uz državnu zastavu može biti istaknuta i zastava entiteta ili grada čije veličine ne mogu biti veće od državne zastave.

POMOĆNI UREĐAJI

Član 45.

Domaćin je dužan u dvorani osigurati pomoćne uređaje i to:

- Sat za mjerenje vremena (stolni)
- Štoperica za mjerenje 24 sekundi,
- Pokazivače ličnih grešaka i bonusa
- Pokazivač rezultata (ručni semafor)
- Tap-off (uređaj za pokazivanje smjera napada poslije podbacivanja) alternativni posjed

VII TOK UTAKMICE

Član 46.

Početak utakmice, regulisan je košarkaškim Pravilima.

Dvadeset minuta prije početka utakmice (po jedno mjerenje prije svake polusezone, jesenjeg i proljetnog dijela, te prije svake utakmice finalne serije KUP-a SKKBIH). Sudije su dužne izvršiti mjerenje kolica, sve anomalije koje nisu u skladu sa Pravilima otkloniti do početka utakmice i samim tim osigurati ekipama jednak tretman za utakmicu. U toku utakmice mogućnost trenera oba tima je da traže mjerenje kolica za pojedine igrače (sve parametre, a posebno jastuk – debljina te ostale parametre iz Pravila Igre)

Igrač koji sjedi na višim kolicima nego dozviljenim i ima neku prednost što se protivi Pravilima Igre dosuđuje mu se TEHNIČKA GREŠKA i njegov nastup je završen. U slučaju da je sve uredu sa kolicima igrača TEHNIČKA GREŠKA se dosuđuje treneru ekipe koja je uputila zahtjev i kao takva se računa kao njegova „C“ greška i shodno tome se kažnjava.

Dvadeset minuta prije početka utakmice prvi sudija provjerava da li je domaćin udovoljio odredbama košarkaških Pravila i ovih Propozicija, da li se na igralištu nalaze pomoćne sudije, te da li su svi uređaji u ispravnom stanju.

Ukoliko sudije ustanove neispravnost na uređajima, ostavit će domaćinu najviše 30 minuta da dovede uređaje u ispravno stanje. Ukoliko se kvar ne otkloni u ostavljenom roku od 30 minuta, ili ukoliko nastane kvar na tehničkim uređajima prije početka susreta, a u vremenu od uključivanja uređaja od strane prvog sudije, pa do početka same igre, utakmica se odlaže za 24 sata.

Odluku o odgađanju utakmice za 24 sata donosi komesar utakmice.

Ukoliko se neki uređaj pokvari za vrijeme utakmice, utakmica će se nastaviti uz pomoćne uređaje.

Sudije izvode ekipe na pregled točkova vazdušnih i drugih podmetača na kolicima prema pravilima igre.

Član 47.

Dvadeset (20) minuta prije početka utakmice mjerilac vremena, po odobrenju prvog sudije, uključuje sat za mjerenje vremena. Pomoćne sudije zauzimaju svoja mjesta.

Šest (6) minuta prije početka utakmice prvi sudija sirenom (zviždaljkom) poziva igrače koji se zagrijavaju da izađu van igrališta, u slučaju da na utakmici ima spiker koji najavljuje igrače. Ukoliko ne postoji spiker i nije predviđeno najavljivanje onda ih sudija poziva da izađu tri (3) minuta prije početka utakmice van igrališta.

Spiker predstavlja gledalištu kapitena, zatim ostale igrače prema brojevima na dresovima. Predstavljaju se prvo igrači i trener gostujuće ekipe, a zatim domaće ekipe. Igrači se postavljaju iza linije slobodnog bacanja.

Nakon predstavljanja ekipa spiker predstavlja službena lica.

Nakon predstavljanja, igrači se međusobno pozdravljaju i odlaze prema svojim klupama.

Minutu I TRIDESET SEKUNDI prije početka utakmice mjerilac vremena vraća sat za mjerenje na početni položaj, a prvi sudija daje znak da je završeno zagrijavanje. Igrači prvih petorki izlaze na teren radi početka utakmice.

Službena lica za stolom treba da obrate pažnju da li su u igri igrači sa dozvoljenim Bonusom od 14,5. Ukoliko je jedna od ekipa prijavila veći bonus u igri dužnost im je obavijestiti prvog sudiju.

Nakon završetka utakmice svi igrači izlaze na igralište, međusobno se rukuju i odlaze prema svojim klupama.

VIII NAČIN BODOVANJA I POSTUPAK PO ŽALBI

Član 48.

Način bodovanja i određivanje poretka ekipa obavlja se na temelju košarkaških Pravila. Ukoliko ekipa iz bilo kojih razloga napusti takmičenje ne može učestvovati na Prvenstvu SKKBIH u sezoni 2019/2020.

Član 49.

Žalba na utakmicu najavljuje se u zapisnik utakmice potpisan od kapitena ekipe.

Najavljena žalba se u pismenom obliku unosi u posebni izvještaj, najkasnije 15 minuta po završetku utakmice.

Za svaku žalbu mora biti uplaćen iznos od 250KM i uplaćuje se odmah na licu mjesta komesaru utakmice. Predstavnici ekipa sastavljaju dopunski izvještaj na licu mjesta i iznose tačno definisane činjenice u predmetu žalbe.(šta je predmet žalbe). Komesar utakmice je dužan da preuzme video zapis bez bilo kakvih opstrukcija od strane bilo koje ekipe. Snimak postaje validan dokaz za navedenu utakmicu. Neadekvatan snimak ili brisanje, propuštanje bitnih momenata utakmice nosi sa sobom veću težinu kazne za organizatora utakmice i konačni rezultat (ekipa gubi utakmicu 20 : 0).

Član 50.

Žalba koja nije najavljena potpisom kapitena, koja nije na vrijeme uručena komesaru, te žalba za koju nije uplaćen iznos u vrijednosti 250KM, neće se uzimati u razmatranje.

Član 51.

Nakon pregledavanja snimka Komesar takmičenja donosi konačnu odluku.

Član 52.

Komesar lige SKKBIH može žalbu usvojiti ili odbiti.

Kada žalbu odbije, utakmica se registruje postignutim rezultatom.

Kada žalbu usvoji, utakmica će se poništiti i odrediti odigravanje nove.

Član 53.

Jednom registrovana utakmica ili donijeta odluka u vezi s takmičenjem ne može biti poništena od Komesara lige SKKBIH.

Član 54.

Odluku o žalbi Komesar lige SKKBIH mora donijeti najkasnije u roku od 48 sati po dobivenom materijalu sa utakmice.

Komesar lige SKKBIH svoju odluku saopštava putem vanrednog ili redovnog biltena

Član 55.

Na odluku Komesara lige SKKBIH dozvoljena je žalba Upravnom Odboru SKKBIH, koja se podnosi u roku 24 sata od prijema odluke.

Za žalbu mora biti isplaćen iznos od 250KM , u protivnom žalba se neće uzimati u razmatranje.

Odluka se donosi u roku od 48 sati i konačna je.

Upravni Odbor svoju odluku saopštava putem redovnog ili vanrednog biltena.

Član 56.

Ukoliko se žalba uvaži, žalioocu se vraća uplaćeni iznos namijenjen za troškove žalbe.

Član 57.

Ukoliko žalba bude usvojena i rezultat utakmice poništen, prilikom odigravanja ponovljene utakmice klubovi dijele prihode i rashode na jednake dijelove.

IX KAZNENE ODREDBE

Član 58.

Prekršaj ovih Propozicija kaznit će se na osnovu Člana 59.

Kaznu koju odredi Komesar takmičenja prema ovim propozicijama ne može oboriti niti UO SKKBIH i verifikuje se konačnom odlukom.

Kaznu koju je odredio Komesar takmičenja a kosi se sa odredbama ovih propozicija može oboriti UO SKKBIH.

Član 59.

Utvrđeni su kriteriji novčanih i vremenskih kazni za sljedeće vrste prekršaja klubova, igrača, sudija, Komesara, trenera i drugih i to:

A. ORGANIZACIJA UTAKMICE

R.br.	Vrsta prekršaja	IZNOS U KM
1.	Nepravovremena i neuredna prijava utakmice	50 KM
2.	Nedostatak pomoćnih uređaja	50 KM
3.	Neispravni tehnički uređaji	50KM
4.	Neosiguravanje rezervne aparature	50 KM
5.	Slaba organizacija zapisničkog stola	50 KM
6.	Nedostatak propisanih obrazaca	50 KM
7.	Neosiguravanje svlačionica za sudije i ekipe i komesara utakmice	50 KM
8.	Izostanak redarske službe, nedovoljan broj redara	50 KM
9.	Nedovoljan broj policajaca ili securiti obezbjeđenja	50 KM
10.	Nepravilno obilježeni dresovi, slaba vidljivost brojeva	50 KM
11.	Neosiguravanje adekvatnog prostora za rezervne igrače, pomoćne sudije	50 KM
12.	Nepredočavanje kartona za trenere i ostala sl. Lica	50 KM
13.	Neplaćanje troškova i taksi službenim licima prije utakmice	200 KM
14.	Neobezbjeđivanje termina za trening gostima (Ako su tražili)	50 KM
15.	Neosiguravanje lica i pribora za sušenje mokrog dijela terena	50 KM
16.	Nedovoljan broj lopti za zagrijavanje (4) PLUS LOPTA ZA IGRU (1)	50 KM
17.	Nepprisustvo ljekara utakmici	100 KM
18.	Nastupanje neregistrovanog igrača za klub	300 KM
19.	Nastupanje suspendovanog igrača za klub	300 KM
20.	Krivotvorenje dokumenata prijavnog lista	300 KM
21.	Nepostojanje video snimka utakmice ILI PRIKRIVANJE SPORNIH MOMENATA UTAKMICE	100 KM

B. NESPORTSKO PONAŠANJE GLEDALACA

R.br.	Vrsta prekršaja	IZNOS U KM
1.	Ometanje rada službenih lica od strane neslužbenih osoba	100 KM
2.	Nesportsko navijanje i ponašanje gledalaca	50 KM
3.	VRIJEĐANJE NA NACIONALNOJ, POLITIČKOJ OSNOVI	200 KM
4.	Bacanje na teren mekih / tvrdih predmeta	50KM / 100 KM
5.	Bacanje na teren eksplozivnih naprava (petarde i baklje)	200 KM PLUS 1 utakmica
6.	Narušavanje prostora za igru i ometanje normalnog toka igre	100 KM
7.	Ulazak gledalaca u teren prije, za vrijeme i poslije utakmice	100 KM PLUS 1 utakmice
8.	Vrijeđanje službenih osoba i gostujuće ekipe (prijetnje, pljuvanje i verbalno psovanje)	100 KM PLUS 1 utakmice
9.	Pokušaj fizičkog napada na službene osobe i gostujuću ekipu	200 KM PLUS 1 utakmice
10.	Ostvaren fizički napad OD STRANE GLEDALACA (službene osobe ili igrače, zamjenike, stručni štab i predstavnike kluba)	300 KM PLUS 3 utakmice
11.	Ostvaren fizički napad sa prekidom utakmice OD STRANE GLEDALACA (službene osobe ili igrače, zamjenike, stručni štab i predstavnike kluba)	400 KM PLUS 5 utakmica
12.	PONOVLJENI SLUČAJ U TOKU JEDNE SEZONE SE DUPLIRA	

C. NESPORTSKO PONAŠANJE IGRAČA, TRENERA I SLUŽBENIH OSOBA

R.br.	Vrsta prekršaja	IZNOS U KM
1.	Svaka dosuđena tehnička greška igraču	50 KM
	Ponovljeni slučaj u toku POLUSEZONE	100 KM
	Dosuđena tehnička greška zbog ustajanja iz kolica se ne kažnjava, DRUGA TEHNIČKA NA JEDNOJ UTAKMICI ISTOM IGRAČU	50 KM
1.1	TEHNIČKA GREŠKA ZA FAKE/FLOP	50 KM
2.	Svaka dosuđena tehnička greška treneru	50KM
2.1	Za dvije tehničke greške za lično nesportsko ponašanje – NAREDNO KOLO	1 utakmica i 100KM
3.	Dosuđena DIREKTNA isključujuća greška igraču	100KM Plus 1 utakmica
4.	Dosuđena DIREKTNA isključujuća greška treneru	150KM Plus 1 utakmica
5.	Dosuđena isključujuća greška službenih osoba NA KLUPI (pomoćni trener, zamjenici i predstavnici kluba)	50KM plus 1 utakmice
6.	Podnijeta prijava protiv igrača i trenera	50 KM PLUS 1 UTAKMICA
7.	Podnijeta prijava protiv službenih lica	100KM ili 3 utakmice
8.	Evidentiranje međusobne prijetnje učesnika utakmice,	50 KM PLUS 1 utakmica
9.	Pokušaj fizičkog napada između učesnika utakmice (IGRAČA, TRENERA I PREDSTAVNIKA KLUBOVA)	Po 50 KM 1 utakmica

10.	Ostvaren fizički napad između učesnika utakmice (IGRAČA , TRENERA, I PREDSTAVNIKA KLUBOVA)	Po 100KM PLUS 3 UTAKMICA
11.	Nesportsko kritikovanje odluke sudija – PRIJE I POSLIJE UTAKMICE U MASS MEDIJIMA.(sredstva javnog informisanja)	50 KM
12.	NESPORTSKO PONAŠANJE SUDIJA I KOMESARA UTAKMICE	100 KM
13.	VRIJEĐANJE NA POLITIČKOJ OSNOVI	100KM
14.	VRIJEĐANJE NA RASNOJ ILI NACIONALNOJ OSNOVI UČESNIKA NA UTAKMICI.	300 KM PLUS 1 UTAKMICA

15.	Pokušaj ostvarivanja fizičkog kontakta (bez napuštanja kolica od strane igrača, te trenera, zamjenika i predstavnika kluba) prema službenoj osobi	100KM plus 1utakmica
16.	Ustajanje iz kolica kao pokušaj ostvarivanja fizičkog kontakta prema službenim osobama.(od strane igrača, te trenera, zamjenika i predstavnika kluba)	200KM PLUS 2UTAKMICE
17.	Ostvarivanje fizičkog kontakta – gaženje kolica prema službenim osobama (od strane igrača, te trenera, zamjenika i predstavnika kluba)	300KM PLUS 3 UTAKMICE
18.	Ostvarivanje fizičkog kontakta (ekstremitetima ili tvrdim predmetom od strane igrača, te trenera, zamjenika i predstavnika kluba) prema službenim osobama.	500KM PLUS 5 UTAKMICA
19.	Nesportsko ponašanje prema službenim osobama za zapisničkim stolom u mrtvom vrremenu utakmice, te nakon utakmice (verbalna pretnja, lupanjem od sto i gužvanjem sapisnika i skrnavljenjem tehničkih elemenata za stolom)	100KM PLUS 1UTAKMICA ZABRANE

D. NESAVJESNO OBAVLJANJE DUŽNOSTI SUDIJA I KOMESARA

R.br.	Vrsta prekršaja	Utakmice
1.	Nepravovremeni dolazak na utakmicu,(NEOBJEKTIVNO OBRAZLOŽENJE) - PONOVLJENJI SLUČAJ	100KM – 2 kola – PS 5 kola
2.	Nesportsko i neadekvatno oblačenje	1 kolo
3.	Nepridržavanje Pravila igre prije utakmice	1 kolo
4.	Neuredno izvršavanje odluke Komesara lige SKKBiH	Od 3 do 5 utakmica zabrane
5.	Neuredno pisanje izvještaja	1 kolo
6.	Neispunjavanje obaveza predviđenih Propozicijama	1 kolo
7.	Nedostavljanje dokumenata u predviđenom roku	2 kola
8.	Odlazak sa utakmice bez saglasnosti Komesara utakmice	1 kolo
9.	Neobjektivno prikazivanje činjenica u Izvještaju	3 - 5 utakmica
10.	Neopravdan nedolazak na utakmicu	Brisanje sa liste
11.	Prijetnja igračima, trenerima i službenim osobama	Brisanje sa liste
12.	Pokušaj fizičkog napada na igrače, trenere i službene osobe	Brisanje sa liste plus 300 KM
13.	Fizički napad na igrače, trenere i službene osobe	Brisanje sa liste PLUS 500 KM
14.	Javno kritikovanje donošenja odluka službenih lica	5 kola
15.	Javno kritikovanje rada Komesara lige SKKBiH	Brisanje sa liste
16.	Davanje izjava koje izlaze iz okvira sportskog ponašanja	Brisanje sa liste

E.

Kazne zabrane igranja, obavljanja dužnosti koje su izražene brojem utakmica, odnose se na SVA takmičenje u okvirima SKKBIH (Prvenstvo i KUP SKKBIH). Ukoliko do kraja takmičenja nije izdržana cijela kazna, ista se prenosi na sljedeću sezonu. Isto se odnosi i na ostale službene osobe. (KOMESARE, SUDIJE I POMOĆNE SUDIJE)

Osoba koja je kažnjena vremenskom kaznom (kazna izražena brojem mjeseci), za vrijeme izdržavanja kazne ne može obavljati niti jednu dužnost u SKKBIH.

F.

Utvrđena vrijednost KAZNI SE IZRAŽAVA u KM (konvertibilna marka)

G.

Za sve nepredviđene slučajeve koji nisu obuhvaćeni članom 59. ovlašćuje se Komesar takmičenja SKKBIH na izricanje kazni u visini: 50KM DO 500KM, te izriče kazne nenastupanja na utakmicama.

H.

Ekipa koja iz neopravdanih razloga ne nastupi na utakmici, gubi utakmicu sa 20:0 i ne dobiva bod za tu utakmicu. Ako ekipa izgubi dvije utakmice na ovakav način, isključuje se iz takmičenja koje je u toku i u narednoj takmičarskoj sezoni starta sa –2 boda. Ako ekipa samovoljno napusti igralište prije kraja utakmice, isključit će se iz takmičenja koje je u toku i u narednoj takmičarskoj sezoni starta sa –2 boda i plaća novčanu kaznu 200KM.

U slučaju da za ekipu nastupi igrač koji nema pravo nastupa (suspendovan, kažnjen ili nije uredno registrovan) utakmica se registruje službenim rezultatom 20:0 u korist protivničke ekipe, a ekipa za koju je nastupio igrač koji nema pravo, ne dobija 1 bod u plasmanu, TE SE NOVČANO KAŽNJAVA SA 200KM – IX KAZNE NE ODREDBE U ponovljenom slučaju ekipa se isključuje iz takmičenja.

Član 60.

Ukoliko ekipa, trener, pomoćni trener i druge službene osobe naprave prekršaj koji podliježe disciplinskoj kazni, komesar utakmice i sudije moraju predati pismene izvještaje najkasnije 12 sati od zavšetka utakmice. UZIMA SE SNIMAK UTAKMICE KAO VALIDAN DOKAZ.

Član 61.

Klub kojem je izrečena kazna igranja utakmice na svom terenu, dužan je prijaviti odigravanje utakmice u drugom gradu.

Član 62.

Izrečene kazne zabrane igranja izvršavaju se na utakmicama takmičenja SKKBiH (Prvenstvo i Kup BiH).

Član 63.

U disciplinskim prekršajima i prekršajima iz člana 58. i 59. Ovih Propozicija koji se odnose na klubove, igrače, trenere, službene predstavnike ekipe, sudije i komesara utakmice donosi Komesar takmičenja SKKBiH. Za odlučivanje po uložnim žalbama na odluke koje je izrekao Komesar takmičenja SKKBiH u drugom stupnju nadležan je Upravni Odbor SKKBiH. Na odluku Komesara takmičenja o novčanim ili vremenskim kaznama dozvoljena je žalba u roku od 48 sati od prijema odluke uz plaćeni iznos od 250 KM Upravni Odbor žalbu usvaja ili odbija. Odluku Komesara takmičenja, ne može poništiti ni Upravni Odbor, ako je ista donesena po Propozicijama takmičenja.

Odluka se donosi u roku od 48 sati i konačna je.

X FINANSIJSKE ODREDBE

Član 64.

Ekipe učesnice takmičenja klubova SKKBiH u sezoni 2018/2019 godine, snose svoje troškove takmičenja. Prihod ubire domaćin utakmice

Član 65.

Ekipe učesnice takmičenja klubova SKKBiH u sezoni 2018/2019 godine, finansiraju takmičenje i poslove organizacije. Ekipe učesnice su dužne osigurati dovoljno sredstava iz kojih se finansira takmičenje. Visinu ukupnih troškova (kotizaciju) utvrdit će Upravni Odbor. Ekipe učesnice su dužne izvršiti uplatu troškova takmičenja (kotizaciju), koji garantuju njihovo učešće, u roku koji odredi Upravni Odbor. Ukoliko se novčana potraživanja ne podmire u utvrđenom roku, smatra se da je klub odustao od takmičenja.

Član 66.

Putni troškovi sudija i komesara isplaćuju se na temelju Odluke o naknadama putnih i drugih troškova za vrijeme službenog putovanja. Ekipe domaćina susreta je obavezna izvršiti isplatu taksi i putnih troškova sudijama i komesaru utakmice 1 sat prije početka utakmice. Krajnji rok isplate taksi sudijama je INTERVAL IGRE NA POLUVREMENU. Ako ekipa ne isplati takse službenih osoba utakmica se neće nastaviti i ekipa gubi utakmicu sa 20 : 0.

Član 67.

Klubovi su obavezni novčana potraživanja prema odluci Komesara lige SKKBiH o novčanim kaznama uplatiti u roku od 5 dana od dana objavljivanja u Zvaničnom Biltenu izdatom od strane Komesara takmičenja SKKBiH. U protivnom klub će biti suspendiran. Žalba na odluku ne odlaže njeno izvršenje. Ukoliko se novčana potraživanja ne podmire u utvrđenom roku, klub je automatski suspendiran. Suspendirani klub ne može nastupiti na narednim utakmicama, a utakmice gubi bez borbe prema Pravilima igre, sve dok ne podmiri svoje novčane obaveze. Klub koji ne podmiri svoje finansijske obaveze prema Takmičenju, na osnovu odluke Komesara takmičenja SKKBiH, kao i na osnovi ovih Propozicija, ne može igrati utakmice u sljedećoj sezoni dok ne podmiri svoje finansijske obaveze.

Član 68.

Svi iznosi izraženi u dijelu PropozicijaXXIV izraženi su u KM(konvertibilna marka).

Član 69.

Ove Propozicije tumači Komesar takmičenja SKKBiH

Zenica, OKTOBAR. 2018 godine

Komesar takmičenja SKKBiH

Ernad Karović

